



SLUŽBENI GLASNIK OPĆINE KONJIC

Broj: 1

Konjic, 01.02.2022.



SADRŽAJ

- | | |
|---|------|
| 1. Nacrt Odluke o lokalnim i nerazvrstanim cestama na području Općine Konjic - Zaključak | 1986 |
| 2. Nacrt Odluke o utvrđivanju standarda i kriterija za imenovanja na upražnjene pozicije u reguliranim tijelima Općine Konjic - Zaključak | 1987 |
| 3. Zaključak o davanju saglasnosti Šumarstvo „Prenj“ d.d Konjic na plan gazdovanja Šumarstvo „Prenj“ d.d Konjic za 2022.godinu, i Plan gazdovanja područije „Krša“ | 1988 |
| 4. Zaključak Općinskog vijeća – Mejra Nuhić | 1989 |

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
OPĆINA KONJIC
OPĆINSKO VIJEĆE

Broj: 03-02-2-281/22
Konjic, 31 01.2022. godine

Na osnovu člana 102. i 112. Poslovnika o radu Općinskog vijeća („Službeni glasnik Općine Konjic“ broj: 1/05, 05/10), člana 8. i 13. Zakona o principima lokalne samouprave u Federaciji BiH („Službene novine Federacije BiH“, broj: 49/06,51/09), člana 4. stav 2. i člana 13. stav 4. Zakona o cestama Federacije Bosne i Hercegovine („Službene Novine Federacije BiH“, broj: 12/10), Zakon o javnim cestama HNK (Službene. Novine HNK br. 1/02) i člana 16. Statuta Općine Konjic („Službeni glasnik Općine Konjic“, broj:4/11,6/11 i 3/20) Općinsko vijeće Konjic, na sjednici održanoj dana 31.01.2021.godine, d o n o s i:

ZAKLJUČAK

I

Usvaja se nacrt Odluke o lokalnim i nerazvrstanim cestama na području Općine Konjic

II

Sastavni dio ovog zaključka je nacrt Odluke o lokalnim i nerazvrstanim cestama na području Općine Konjic.

III

Nacrta Odluke o lokalnim i nerazvrstanim cestama na području Općine Konjic daje se na javnu raspravu u roku od 30 dana od dana usvajanja ovog zaključka.

IV

Za provođenje javne rasprave zadužuje se nadležna Služba da sačini Plan provođenja javnih rasprave i blagovremeno upozna javnost sa istim.

V

Nakon provođenja javne rasprave, predlagač će utvrditi prijedlog Odluke o lokalnim i nerazvrstanim cestama na području Općine Konjic i dostaviti Općinskom vijeću Konjic na razmatranje i usvajanje.

VI

Ovaj zaključak stupa na snagu danom objavljivanja u „Službenim glasniku Općine Konjic“ i ima se objaviti na Oglasnoj tabli Općine Konjic.

Predsjednik Općinskog Vijeća
Kenan Greda , sr

N A C R T

O D L U K E

o lokalnim i nerazvrstanim cestama na području Općine Konjic

I. OPĆE ODREDBE

Član 1.

Ovom se Odlukom uređuje održavanje, građenje, rekonstrukcija, zaštita, upravljanje, korištenje i provođenje nadzora na lokalnim i nerazvrstanim cestama na području Općine Konjic.

Član 2.

Lokalne ceste su saobraćajne površine koje povezuju naselja u općini sa naseljima iz susjednih općina ili povezuju važnija naselja unutar općine, te povezuju saobraćaj na druge javne ceste iste ili više kategorije.

U naseljima u kojima je uveden sistem ulica, saobraćajnice se dijele na glavne gradske ceste, sabirne gradske ceste i lokalne gradske ceste (u daljem tekstu gradske ulice).

Nerazvrstane ceste su površine koje se koriste za saobraćaj po bilo kojoj osnovi i koje su pristupačne većem broju korisnika, a prema propisima o cestama nije razvrstana kao javna cesta.

Član 3.

Nerazvrstane ceste nalaze se u građevinskim zonama, poljoprivrednim zonama i šumsko privrednim zonama.

Mrežu nerazvrstanih cesta na području općine Konjic čine ulice u seoskim naseljima, seoski i poljski putevi, te druge nerazvrstane javne saobraćajne površine na kojima se odvija saobraćaj.

Nerazvrstane ceste omogućuju nesmetano odvijanje saobraćaja i ne ugrožavaju sigurnost učesnika u saobraćaju.

Seoskim putem, u smislu ove Odluke, smatra se izgrađena površina koja prolazi kroz selo ili povezuje dva ili više zaseoka, ili povezuje zaseoke s javnim cestama, a koji nije razvrstan u lokalnu cestu ili cestu više kategorije.

Poljski put je površina koja se koristi za pristup poljoprivrednom i šumskom zemljištu i pristupačan je većem broju korisnika po bilo kojoj osnovi.

Drugim nerazvrstanim javnim saobraćajnim površinama, u smislu ove Odluke, smatraju se površine za saobraćaj u mirovanju – parkirališta, pješačke staze, pješački trgovi, terminali, autobusna stajališta, pristupne ceste do industrijskih i drugih objekata koji se koriste za javni saobraćaj i slično.

Član 4.

Lokalnu cestu, gradske ulice i nerazvrstanu cestu čine:

- cestovna građevina (donji i gornji stroj, kolovozna konstrukcija, most, propust, pješački prolazi);

- građevine za odvodnju ceste i pročišćavanje vode (odvodni jarci, drenaže i slično, te oborinska kanalizacija);
- cestovni pojas s obje strane ceste potreban za nesmetano održavanje ceste širine prema projektu ceste, a najmanje jedan (1) metar računajući od krajnjih tačaka poprečnog profila ceste;
- vazdušni prostor iznad kolovoza u visini od 7 metara;
- pješačke i biciklističke staze;
- saobraćajni znakovi, instalacije i rasvjeta u funkciji saobraćaja, cestovne oznake, oprema parkirališta i sl.);
- građevine i oprema za zaštitu ceste, saobraćaja i okoliša (snjegobrani, zaštitne i sigurnosne ograde, i sl.)
- priključci i sve saobraćajne i druge površine izgrađene na pripadajućem cestovnom zemljištu.
- saobraćajna signalizacija (horizontalna, vertikalna i svjetlosna) i oprema ceste (stalni uređaji za zaštitu ceste i saobraćaja od snježnih nanosa, djelovanja vjetra, osulina i nanosa zemljanog materijala, smjerokazni stupići, kilometarski stupići, odbojnici, cestovni telekomunikacijski uređaji i oprema, javna rasvjeta u funkciji saobraćaja, cestovne značke, detektori i brojači saobraćaja, ventilacijska oprema u tunelima, ograde, satovi za parkiranje, uređaji i oprema za zaštitu od buke i drugih štetnih utjecaja od saobraćaja i sl.).

Član 5.

Odluku o razvrstavanju lokalnih cesta donosi Općinsko Vijeće Konjic na prijedlog općinskog načelnika (Član 5. Stav 3. Zakona o javnim cestama HNK Službeni list 1/02).

II. ODRŽAVANJE

Član 6.

(1) Pod održavanjem lokalnih i nerazvrstanih cesta u smislu ove Odluke smatra se izvođenje radova kojima se osigurava nesmetan i siguran saobraćaj i očuvanje projektovanog stanja ceste.

Član 7.

(1) Poslovi održavanja lokalnih i nerazvrstanih cesta su:

1. poslovi redovnog održavanja i
2. poslovi vanrednog održavanja.

Član 8.

(1) Redovno održavanje čini skup mjera i radnji koje se obavljaju tokom većeg dijela ili cijele godine na lokalnim i nerazvrstanim cestama uključujući i sve objekte i instalacije sa svrhom održavanja prohodnosti i sigurnosti saobraćaja na njima.

- (2) Poslovi redovnog održavanja lokalnih i nerazvrstanih cesta obuhvataju:
- popravak kolovoza, trupa ceste, potpornih i obložnih zidova i objekata na cesti,
 - saniranje udarnih rupa na kolovozu,
 - čišćenje kolovoza i objekata za odvodnju,
 - održavanje bankina, kosina nasipa, usjeka i zasjeka,
 - zamjena i popravak saobraćajne signalizacije i ostale opreme na cesti,
 - izvođenje poslova u svrhu održavanja preglednosti ceste i znakova,
 - košenje trave i održavanje zelenih površina u cestovnom pojasu,
 - čišćenje snijega sa kolovoza i autobuskih stajališta,
 - posipanje kolovoza u slučaju poledice,
 - obavljanje drugih poslova kojima se osigurava stalan i siguran saobraćaj na lokalnim i nerazvrstanim cestama.

Član 9.

- (1) Vanredno održavanje lokalnih i nerazvrstanih cesta obuhvaća obimnije radove koji se izvode u cestovnom pojasu i samo na osnovu tehničke dokumentacije i bez pribavljanja saglasnosti i druge dokumentacije prema Zakonu o prostornom uređenju i građenju HNK.
- (2) Poslovi vanrednog održavanja lokalnih i nerazvrstanih cesta obuhvataju:
- obnavljanje, zamjena i ojačavanje dotrajalih kolovoza,
 - obnavljanje potpornih zidova,
 - ojačavanje i zamjenu propusta,
 - ojačavanje mostova i zaštita čelične konstrukcije,
 - izrada pješačkih staza i ugrađivanje ivičnjaka,
 - saniranje klizišta i odrona,
 - obavljanje drugih obimnijih poslova koji ne spadaju u redovno održavanje.

Član 10.

- (1) Poslovi redovnog i vanrednog održavanja lokalnih i nerazvrstanih cesta povjeravaju se pravnom licu po postupku i na način predviđen Zakonom o javnim nabavkama BiH.
- (2) Izabrano pravno lice radove izvodi u skladu sa ugovorom kojim se regulišu vrsta radova koji su predmet ugovora, period na koji se ugovor zaključuje, ugovorena vrijednost radova, obaveze izvršioca radova, obaveze naručioca radova, stručni nadzor nad izvođenjem radova, odgovornost za eventualno prouzrokovane štete, način rješavanja nesuglasica i sporova, te ostala pitanja od važnosti za izvršavanje radova na održavanju lokalnih i nerazvrstanih cesta.

Član 11.

- (1) Održavanje revizijskih okana komunalnih instalacija i svih vrsta uređaja postavljenih unutar cestovnog pojasa lokalne i nerazvrstane ceste dužan je provoditi vlasnik instalacija i uređaja.

Član 12.

- (1) Radovi na održavanju lokalne i nerazvrstane ceste se trebaju izvoditi tako da se zbog njih ne obustavlja saobraćaj.
- (2) U slučaju da planirani radovi zahtijevaju obustavljanje saobraćaja, nadležna Služba za poslove saobraćaja Općine Konjic, na zahtjev izvođača radova, ocjenjuje opravdanost zahtjeva i izdaje odobrenje za obustavljanje saobraćaja i/ili izmjenu režima saobraćaja na lokalnoj i nerazvrstanoj cesti.
- (3) U izdatom odobrenju izvođaču se nalaže i postavljanje dopunske saobraćajne signalizacije i eventualno preduzimanje ostalih radnji potrebnih za sigurno odvijanje saobraćaja.
- (4) Ukoliko se radovi na održavanju lokalne i nerazvrstane ceste koji iziskuju izmještanje saobraćaja izvode na dijelu lokalne i nerazvrstane ceste gdje ne postoji mogućnost izmještanja saobraćaja, u odobrenju se može naložiti da se radovi izvode noću.

(5) U izdatom odobrenju izvođaču se nalaže da nakon završetka radova ukloni dopunsku saobraćajnu signalizaciju i lokalnu i nerazvrstanu cestu dovede u stanje za neometano odvijanje saobraćaja.

Član 13.

Općinska služba nadležna za poslove saobraćaja dužna je pratiti odvijanje saobraćaja na lokalnim cestama, gradskim ulicama i nerazvrstanim cestama i predlagati unapređenje saobraćajnog sistema, promjene režima i regulacije saobraćaja s ciljem postizanja što većeg stepena sigurnosti saobraćaja.

Član 14.

Održavanje lokalnih cesta, gradskih ulica i nerazvrstanih cesta u zimskim uslovima (u nastavku teksta: zimska služba) obuhvata radove neophodne za održavanje prohodnosti cesta te sigurnosti odvijanja saobraćaja.

Radovima iz stava 1. ovog člana podrazumijeva se sljedeće:

- pripremni radovi prije nastupanja zimskih uslova;
- organizovanje pripravnosti;
- zaštitne mjere protiv stvaranja poledice, snježnih nanosa i sl.;
- čišćenje snijega s kolovoza i saobraćajne signalizacije;
- uklanjanje posipnog materijala;
- osiguravanje odvodnje kolvoza;
- postavljanje posebne saobraćajne signalizacije u slučajevima posebnog režima saobraćaja ili zatvaranje dijela ceste;
- obavještanje javnosti o stanju i prohodnosti cesta; - drugi potrebni radovi.

Lokalna cesta, gradska ulica i nerazvrstana cesta, u smislu ove Odluke, smatra se prohodnom kada je radovima na uklanjanju snijega omogućen saobraćaj vozila uz upotrebu zimske opreme.

Član 15.

Zimska služba organizuje se u periodu od 01. novembra tekuće godine do 15. aprila naredne godine, a detaljno planira kroz Program obavljanja usluga zajedničke komunalne potrošnje na godišnjem nivou.

Lice odabrano za obavljanje poslova zimske službe dužno je sačiniti Operativni plan zimske službe na koji saglasnost daje Općinski načelnik.

Član 16.

Operativni plan iz člana 15. ove Odluke sadrži:

- mjesto pripravnosti zimske službe;
- stepen pripravnosti;
- potreban broj ljudstva, mehanizacije i materijala za posipanje i njihov razmještaj; - redosljed i prioritet izvođenja radova;
- dinamiku provođenja pojedinih aktivnosti;

- nadzor i kontrolu provođenja zimske službe;
- uslove kada se zbog sigurnosti saobraćaja isti ograničava ili zabranjuje za pojedine vrste vozila;
- obavještanje javnosti o stanju i prohodnosti cesta.

Član 17.

Izvođač kojem je povjereno obavljanje zimske službe na lokalnim cestama, gradskim ulicama i nerazvrstanim cestama dužan je održavati ceste tako da se po njima može odvijati siguran i nesmetan saobraćaj za koji su namijenjene.

Član 18.

Revizionna okna i poklopce revizionih okana komunalnih, energetskih i drugih instalacija koji su ugrađeni u lokalnoj cesti, gradskoj ulici i nerazvrstanoj cesti dužni su održavati vlasnici ili korisnici tih instalacija.

III. GRAĐENJE I REKONSTRUKCIJA

Član 19.

Građenje i rekonstrukcija lokalne ceste, gradske ulice ili nerazvrstane ceste obavlja se u skladu s propisima o prostornom uređenju i gradnji, te u skladu s ovom Odlukom .

Poslove u vezi s građenjem i rekonstrukcijom cesta iz prethodnog stava planira i obavlja nadležna Općinska služba.

Član 20.

Lokalna ili nerazvrstana se cesta mora projektovati i graditi širine kolovoza najmanje 5,00 m za dvosmjerni saobraćaj, odnosno najmanje jedna saobraćajna traka koja se sastoji od serije za zaobilazanje vozila, koja moraju biti izgrađena u zavisnosti od pregledne razdaljine, premda razmak između njih ne bi trebalo da prelazi 500 m. Širina jednosmjernog kolovoza treba da iznosi najmanje 3,00 m, na rubu kolovoza potrebno je predvidjeti bankinu širine 0,5 m ili trotoar, stoga ukupna širina kolovoza treba da iznosi 4,00 m ili više.

Nosivost kolovozne konstrukcije novosagrađene ili rekonstruisane lokalne ili nerazvrstane ceste mora biti najmanje 6 t osovinskog opterećenja.

Na postojećim lokalnim i nerazvrstanim cestama čija je nosivost kolovozne konstrukcije manja od 10 t osovinskog opterećenja mogu saobraćati samo vozila kojima osovinski pritisak ne prelazi nosivost kolovozne konstrukcije ceste.

IV. MJERE ZA ZAŠTITU

Član 21.

Pod zaštitom lokalne i nerazvrstane ceste u smislu ove Odluke podrazumijeva se:

- zaštita cesta od prekomjernog opterećenja,
- zaštita ceste od prekoračenja ukupne mase i osovinskog opterećenja,
- sprečavanje vršenja bespravnih radnji i gradnje u cestovnom pojasu,
- sprečavanje vršenja radnji na cesti i u cestovnom pojasu kojima bi se mogla oštetiti cesta, odnosno ugroziti saobraćaj ili povećati troškovi održavanja lokalne i nerazvrstane ceste,
- osiguranje preglednosti na raskrscima i krivinama,

- regulisanje odnosa sa susjedima uz lokalnu i nerazvrstanu cestu,
- sprečavanje deponovanja materijala na cestu ili uz cestu,
- regulisanje postavljanja kablova, vodova i instalacija u trupu ceste u cestovnom pojasu,
- regulisanje odvodnje, prekopavanja cestovnih i odvodnih kanala,
- regulisanje postavljanja i dopunjavanja saobraćajne i turističke signalizacije,
- regulisanje postavljanja reklamnih znakova,
- evidentiranje cesta, cestovnog pojasa, saobraćajne signalizacije i opreme na cestama,
- obaveza ugovaranja održavanja i zaštite cesta,
- regulisanje ograničenja i obustave saobraćaja,
- regulisanje gradnje prilaza,
- zaštita od nekontrolisanog izlaska većeg broja ljudi, djece, stoke i divljači na cestu,-
- uklanjanje pokvarenih, napuštenih i oštećenih vozila sa ceste ili cestovnog pojasa,
- vršenje drugih radnji u svrhu zaštite lokalnih i nerazvrstanih cesta.

Član 22.

Vozila u saobraćaju na lokalnoj i nerazvrstanoj cesti moraju udovoljavati propisanim uslovima za pojedine vrste vozila u pogledu dimenzija, ukupne mase i osovinskog opterećenja.

Prijevoz vozilima koja sama ili zajedno s teretom premašuju propisane dimenzije ili ukupnu masu, odnosno propisana osovinska opterećenja smatra se izvanrednim prijevozom .

Izvanredni prijevoz može se obaviti samo na osnovu odobrenja za izvanredni prijevoz kojim se utvrđuju uslovi i način obavljanja izvanrednog prijevoz, iznos i način plaćanja naknade i drugih troškova izvanrednog prijevoza.

Odobrenje za izvanredni prijevoz izdaje nadležna općinska služba.

Član 23.

Troškove za izdavanje odobrenja za izvanredni prijevoz, odnosno kontrole izvanrednog prijevoza, troškove poduzimanja posebnih mjera koje se moraju provesti radi sigurnosti izvanrednog prijevoza (podupiranje i ojačanje mostova i drugih objekata, pratnja i dr.) i naknadu za izvanredni prijevoz plaća prijevoznik.

Visinu i način plaćanja troškova i naknade za izvanredni prijevoz iz stava 1. ovoga člana utvrđuje Općinski načelnik posebnom Odlukom.

Član 24.

Prekomjerna upotreba lokalne i nerazvrstane ceste je učestaliji saobraćaj teretnih motornih vozila nego što je uobičajeno.

Član 25.

Ako je lokalna ili nerazvrstana cesta izložena prekomjernoj upotrebi iz člana 24. ove Odluke, pravne ili fizičke osobe u vezi s čijim djelatnostima dolazi do njene prekomjerne upotrebe, dužne su nadležnoj općinskoj službi podnijeti zahtjev za dobivanje odobrenja za prekomjernu upotrebu lokalne ili nerazvrstane ceste, te platiti naknadu za prekomjernu upotrebu lokalne ili nerazvrstane ceste.

Zahtjev za izdavanje odobrenja sadržava:

- opis djelatnosti korisnika,
- podatke o planiranoj količini tereta koji će se prevoziti lokalnom i nerazvrstanom cestom,
- kartu cestovne mreže sa ucrtanim itinererima,
- rješenje nadležnog organa kojim je odobreno obavljanje navedene djelatnosti.

Naknada za prekomjerno opterećenje lokalne i nerazvrstane ceste obračunava se na osnovu elaborata ili projekta prekomjernog oštećenja kojim se procjenjuju oštećenja na cesti zbog prekomjernog opterećenja.

Visinu i način plaćanja naknade za prekomjernu upotrebu lokalne ili nerazvrstane ceste utvrđuje Općinski načelnik posebnom Odlukom.

Član 26.

Saobraćajni znakovi, signalizacija i oprema lokalne i nerazvrstane ceste postavlja se na osnovu Projekta saobraćajne signalizacije ili izuzetno na osnovu Odluke komisije za saobraćaj u saradnji sa nadležnom policijskom upravom Konjic

Član 27.

Priključkom i prilazom na lokalnu cestu, gradsku ulicu i nerazvrstanu cestu, u smislu ove Odluke, smatra se spoj lokalne ceste, gradske ulice ili nerazvrstane ceste i svih površina s kojih se vozila direktno uključuju ili isključuju u saobraćaj na lokalnu ili nerazvrstanu cestu.

Član 28.

Priključak i prilaz na lokalnu cestu, gradsku ulicu ili nerazvrstanu cestu mora biti izgrađen tako da ne naruši stabilnost trupa ceste, ne ugrožava sigurnost saobraćaja, ne oštećuje cestu i postojeći režim odvodnje.

Priključak na lokalnu i nerazvrstanu cestu se može izvesti samo na osnovu odobrenja izdatog od nadležne Službe Općine Konjic.

Troškove izgradnje priključka na lokalnu i nerazvrstanu cestu u skladu sa projektom saobraćajnog priključka i izdatim odobrenjem snosi investitor priključka.

Član 29.

Priključke i prilaze na lokalnu cestu, gradsku ulicu ili nerazvrstanu cestu dužni su održavati vlasnici odnosno korisnici ili posjednici zemljišta koje graniči s cestom na način propisan ovom Odlukom.

Ako vlasnik odnosno korisnik ili posjednik zemljišta iz stava 1. ovog člana ne održava prilaz ili priključak na cestu na način propisan ovom Odlukom, nadležna inspekcija će odrediti popravak priključka ili prilaz na cestu o trošku vlasnika, korisnika ili posjednika zemljišta.

Član 30.

Zauzimanje i korištenje lokalnih cesta, gradskih ulica ili nerazvrstanih cesta i zemljišta uz iste zbog izvođenja radova koji se ne smatraju održavanjem ili građenjem ceste, te radi postavljanja reklama i pokretnih naprava obavlja se u skladu s propisima o komunalnom redu.

Član 31.

Zabranjeno je raskopavati ili obavljati bilo kakve radove ili radnje na kolovozu lokalne ceste, gradske ulice ili nerazvrstane ceste i na zemljištu uz iste bez odobrenja nadležne Općinske službe.

U odobrenju iz stava 1. ovog člana utvrđuje se način rada, uslovi za izvođenje radova, regulacija saobraćaja, način sanacije raskopa odnosno potkopa, te nadzor nad obavljanjem tih radova.

Ako se na lokalnoj cesti, gradskoj ulici ili nerazvrstanoj cesti izvode ili izvedu radovi ili radnje koje mogu oštetiti cestu ili ugroziti sigurnost saobraćaja na njoj, nadležna inspekcija će obustaviti radove i narediti plaćanje troškova sanacije.

Troškove iz stava 3. ovog člana podmiruje izvođač odnosno Investitor radova, odnosno osobe koje izvode radnje na lokalnoj cesti, gradskoj ulici ili nerazvrstanoj cesti.

Član 32.

Novoizgrađene, rekonstruisane i novoasfaltirane lokalne ceste, gradske ulice ili nerazvrstane ceste zabranjeno je raskopavati najmanje 3 godine, računajući od dana završetka asfaltiranja.

Izuzetno, Općinska služba nadležna za komunalne poslove može odobriti raskopavanje gradskih ulica, lokalnih ili nerazvrstanih cesta i prije isteka roka iz stava 1. ovog člana u izuzetno opravdanim slučajevima.

U odobrenju iz stava 2. ovog člana utvrđuje se način rada, uslovi za izvođenje radova, regulacija saobraćaja, način sanacije raskopa odnosno potkopa, te nadzor nad obavljanjem tih radova.

Član 33.

Izuzetno od člana 32. stava 1. ove Odluke, hitne intervencije radi popravka kvara komunalnih instalacija i uređaja mogu se započeti bez odobrenja, uz dojavu Općinskoj nadležnoj službi.

Vlasnik ili korisnik uređaja i instalacija uz gradsku ulicu, lokalnu ili nerazvrstanu cestu mora u što kraćem roku otkloniti oštećenje na njima radi dovođenja ceste u prvobitno stanje, te pribaviti odobrenje.

Vlasnik ili korisnik uređaja i instalacija, u slučaju iz stava 1. ovog člana, preduzet će odmah sve potrebne radnje radi omogućavanja odvijanja sigurnog i nesmetanog saobraćaja do sanacije javne saobraćajne površine.

Član 34.

Ako se gradska ulica, lokalna ili nerazvrstana cesta nalazi u takvom stanju da uopće nije prohodna ili nije prohodna za pojedine vrste vozila ili se na njoj izvode radovi koji se ne mogu obaviti bez obustavljanja saobraćaja ili ako njeno stanje zbog vremenskih nepogoda i drugih razloga ugrožava sigurnost saobraćaja, Organ nadležan za unutrašnje poslove uz prethodno pribavljenu saglasnost nadležne Općinske službe koja će privremeno zabraniti saobraćaj cestom ili pojedinim vrstama vozila.

Član 35.

Zaštitni pojas lokalne i nerazvrstane ceste je pojas na kome važi poseban režim gradnje i uspostavlja se sa ciljem zaštite lokalne i nerazvrstane ceste i sigurnosti saobraćaja na istoj od štetnih uticaja i različitih aktivnosti u prostoru pored lokalne i nerazvrstane ceste.

Ako se izdaje saglasnost ili odobrenje za građenje objekata i instalacija na lokalnoj cesti, gradskoj ulici ili nerazvrstanoj cesti ili unutar zaštitnog pojasa ceste, prethodno se moraju zatražiti uslovi nadležne Općinske službe.

Zaštitni pojas u smislu stava 2. ovog člana mjeri se od vanjske ivice cestovnog pojasa sa svake strane ceste, te iznosi:

1. za lokalne ceste 5,0 m,
2. za gradske ulice 3,0 m, osim ako to nije drugačije definisano detaljnom prostornoplanskom dokumentacijom za to područje i
3. za nerazvrstane ceste 3,0 m.

Član 36.

U blizini raskrsnice dviju ili više cesta i ulica u nivou, ili na unutrašnjim stranama krivine ne smije se saditi drveće, grmlje ili visoke poljoprivredne kulture, postavljati naprave, ograde ili druge predmete koji onemogućavaju preglednost na lokalnoj cesti, gradskoj ulici ili nerazvrstanoj cesti.

Vlasnici, odnosno korisnici ili posjednici zemljišta koja graniče s lokalnim ili nerazvrstanim cestama dužni su održavati krošnje drveća i živice kako ne bi ulazile u slobodan profil ceste ili ulice.

Vlasnici, odnosno korisnici ili posjednici zemljišta dužni su, na zahtjev komunalnog inspektora ili redara, ukloniti drveće, grmlje, visoke poljoprivredne kulture, naprave, ograde i druge predmete iz trougla preglednosti kao i iz slobodnog profila ceste.

Član 37.

Vlasnici, odnosno korisnici ili posjednici zemljišta koja graniče s lokalnim ili nerazvrstanim cestama dužni su čistiti i održavati odvodne jarke.

Pod čišćenjem i održavanjem odvodnih jaraka podrazumijeva se:

- održavanje u ispravnom i protočnom stanju;
- produbljivanje jaraka (čišćenje mulja i drugih sastojaka koji onemogućavaju normalno otjecanje vode);
- košenje trave i korova s kosina i dna jarka; - čišćenje mulja iz cijevi kolskih prilaza.

Vlasnici, odnosno korisnici ili posjednici zemljišta dužni su, na zahtjev komunalnog inspektora ili redara, očistiti odvodne jarke u skladu s odredbama iz prethodnog stava.

Ako vlasnik, odnosno korisnik ili posjednik zemljišta ne postupi u skladu s odredbama člana 37. stav 3. i odredbama iz stava 2. ovog člana, nadležna inspekcija osigurat će izvođenje tih radova putem trećeg lica na teret vlasnika odnosno korisnika ili posjednika zemljišta.

Član 38.

Radi zaštite gradskih ulica, lokalnih ili nerazvrstanih cesta zabranjeno je:

1. uklanjati, premještati, zaklanjati ili oštećivati saobraćajne znakove na gradskim ulicama, lokalnim ili nerazvrstanim cestama;
2. dovoditi oborinske, otpadne ili druge vode i tekućine na cestu ili sprječavati otjecanje tih voda sa ceste ili zemljišnog pojasa;
3. puštati stoku ili perad na cestu, kosine nasipa i usjeka uz cestu;
4. proljevati na cestu motorno ulje, druge masne tvari ili druge prljavštine;
5. dolaziti na kolovoz ili silaziti s kolovoza izvan sagrađenog prilaza na cestu;

6. prosipati ili bacati na cestu bilo kakve predmete, materijal ili smeće;
7. nanositi blato na kolovoz ceste;
8. oštećivati ili prelaziti zaštitne i druge ograde pored ceste;
9. izvoditi radove na zaštitnom pojasu ili zgradama pored ceste koji bi mogli oštećivati cestu ili ugroziti sigurnost saobraćaja;
10. prevoziti teret u rastresitom stanju ako nisu poduzete mjere za to da se teret ne rasipa po cesti ili vući balvane i drugu građu po kolovozu;
11. paliti travu, korov, građu i drugi materijal u zaštitnom pojasu gradske ulice, lokalne ili nerazvrstane ceste i u neposrednoj blizini ceste;
12. neovlašteno zauzimati cestu;
13. neovlašteno postavljati zapreke, odnosno sprječavati odvijanje saobraćaja na cesti;
14. saditi stabla koja bi svojom krošnjom prelazila slobodan profil na gradskoj ulici, lokalnoj ili nerazvrstanoj cesti radi nesmetanog odvijanja saobraćaja;
15. svako drugo oštećivanje i intervenisanje uz površinu gradske ulice, lokalne ili nerazvrstane ceste.

V. NADZOR

Član 39.

Upravni nadzor nad provođenjem ove Odluke vrši općinska služba nadležna za komunalne poslove i poslove saobraćaja, a inspeksijski nadzor nad provođenjem ove Odluke provodi komunalna inspekcija i komunalni redari.

Član 40.

U obavljanju inspeksijskog nadzora komunalni inspektor ovlašten je:

1. rješenjem narediti fizičkim i pravnim licima otklanjanje nedostataka u skladu sa odredbama ove Odluke i
2. izdati prekršajni nalog.

Član 41.

Pravna i fizička lica dužna su komunalnom inspektor ili redaru na njegov zahtjev i u zadanom roku dostaviti podatke i dokumentaciju koja je potrebna za obavljanje nadzora.

Član 42.

Pravna i fizička lica dužna su komunalnom inspektor i redaru omogućiti nesmetano obavljanje nadzora, dati lične podatke i pružiti druge potrebne informacije o predmetu uredovanja.

Član 43.

Komunalni inspektor ili redar može usmeno narediti otklanjanje nedostataka koji izazivaju neposrednu opasnost za život i zdravlje ljudi i imovine.

VI. KAZNENE ODREDBE

Član 44.

Novčanom kaznom od 2.000,00 KM kaznit će se za prekršaj pravna osoba ako:

1. ne održava lokalne i nerazvrstane ceste tako da se po njima može odvijati siguran i nesmetan saobraćaj za koji su namijenjene (član 10. Odluke);
2. obavlja izvanredni prijevoz bez odobrenja ili suprotno uslovima iz odobrenja (član 22. Odluke);
3. vrši prekomjernu upotrebu ceste iz ove Odluke bez odobrenja (član 25. Odluke).

Novčanom kaznom u iznosu od 500,00 KM kaznit će se i odgovorno pravno lice koje počini prekršaj iz stava 1. ovog člana.

Novčanom kaznom u iznosu od 1.000,00 KM kaznit će se fizička osoba - obrtnik i osoba koja obavlja drugu samostalnu djelatnost, a koja počini prekršaj iz stava 1. tačke 2. i 3. ovog člana u vezi obavljanja njezina obrta ili druge samostalne djelatnosti.

Novčanom kaznom u iznosu od 500,00 KM kaznit će se fizička osoba koja počini prekršaj iz stava 1. tačke 2. i 3. ovog člana.

Član 45.

Novčanom kaznom od 1.500,00 KM kaznit će se za prekršaj pravna osoba ako:

1. ne održava revizijska okna i poklopce revizijskih okana komunalnih, energetskih i drugih instalacija (član 18. Odluke);
2. gradi priključak i prilaz na ceste iz ove Odluke tako da narušava stabilnost trupa ceste, ugrožava sigurnost saobraćaja, oštećuje cestu i postojeći režim odvodnje (član 28. stav 1. Odluke);
3. gradi priključak i prilaz na lokalnu ili nerazvrstanu cestu suprotno članu 28. stav 2. Odluke;
4. raskopava ili obavlja bilo kakve radove ili radnje na cestama iz ove Odluke i na zemljištu uz cestu bez odobrenja ili suprotno odobrenju (član 32. stav 1. i 2. Odluke);
5. raskopava novoizgrađene, rekonstruisane i novoasfaltirane ceste bez odobrenja općinske službe nadležne za komunalnu infrastrukturu (član 32. Odluke);
6. ne dovede cestu u prvobitno stanje i ne ishodi odobrenje (član 33. stav 2. Odluke);
7. postupa suprotno zabrani iz člana 33. stav 1. i 2. Odluke;
8. ne ukloni drveće, grmlje, visoke poljoprivredne kulture, naprave, ograde i druge predmete iz trougla preglednosti i slobodnog profila ceste (član 36. stav 3. Odluke).

Novčanom kaznom u iznosu od 500,00 KM kaznit će se i odgovorno pravno lice koje počini prekršaj iz stava 1. ovog člana.

Novčanom kaznom u iznosu od 1.000,00 KM kaznit će se fizička osoba - obrtnik i osoba koja obavlja drugu samostalnu djelatnost koja počini prekršaj iz stava 1. ovog člana u vezi obavljanja njezina obrta ili druge samostalne djelatnosti.

Novčanom kaznom u iznosu od 500,00 KM kaznit će se fizička osoba koja počinj prekršaj iz stava 1. ovog člana.

Član 46.

Novčanom kaznom od 1.000,00 KM kaznit će se za prekršaj pravna osoba ako:

1. ne održava priključke i prilaze na lokalnu ili nerazvrstanu cestu (član 29. stav 1. Odluke);
2. ne čisti i ne održava odvodne jarke (član 37. stav 1. Odluke),
3. ne pridržava se zabrana iz člana 38. Odluke.

Novčanom kaznom u iznosu od 200,00 KM kaznit će se i odgovorno pravno lice koje počinj prekršaj iz stava 1. ovog člana.

Novčanom kaznom u iznosu od 500,00 KM kaznit će se fizička osoba obrtnik i osoba koja obavlja drugu samostalnu djelatnost koja počinj prekršaj iz stava 1. ovog člana u vezi obavljanja njezina obrta ili druge samostalne djelatnosti.

Novčanom kaznom u iznosu od 200,00 KM kaznit će se fizička osoba koja počinj prekršaj iz stava 1. ovog člana.

Član 47.

Novčanom kaznom od 200,00 KM kaznit će se za prekršaj pravna osoba ako:

1. ne dostavi podatke i dokumentaciju komunalnom inspektorju ili redaru (član 41. Odluke);
2. ne omogući komunalnom inspektorju ili redaru nesmetano obavljanje nadzora, ne da lične podatke i ne pruži druge informacije (član 42. Odluke).

Novčanom kaznom u iznosu od 100,00 KM kaznit će se i odgovorno pravno lice koje počinj prekršaj iz stava 1. ovog člana.

Novčanom kaznom u iznosu od 150,00 KM kaznit će se fizička osoba - obrtnik i osoba koja obavlja drugu samostalnu djelatnost koja počini prekršaj iz stava 1. ovog člana u vezi obavljanja njezina obrta ili druge samostalne djelatnosti.

Novčanom kaznom u iznosu od 50,00 KM kaznit će se fizička osoba koja počini prekršaj iz stava 1. ovog člana.

VII. PRIJELAZNE I ZAVRŠNE ODREDBE

Član 48.

Odluka stupa na snagu danom objavljivanja u „Službenom glasniku Općine Konjic“, i ima se objaviti na Oglasnoj tabli Općine Konjic

PREDSJEDAVAJUĆI
OPĆINSKOG VIJEĆA
Kenan Greda

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
OPĆINA KONJIC
OPĆINSKO VIJEĆE

Broj: 03-02-2-280/22
Konjic, 31.01.2022.godine

Na osnovu člana 102. Poslovnika o radu Općinskog vijeća („Službeni glasnik Općine Konjic“ broj: 1/05, 05/10), člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj:49/06, 51/09), i člana 16. Statuta Općine Konjic („Službeni glasnik Općine Konjic“, broj: 4/11, 6/11 i 3/20) Općinsko vijeće Konjic, na sjednici održanoj dana 31.01.2022. godine, d o n o s i:

ZAKLJUČAK

I

Usvaja se nacrt Odluke o utvrđivanju standarda i kriterija za imenovanja na upražnjene pozicije u reguliranim tijelima Općine Konjic.

II

Sastavni dio ovog zaključka je nacrt Odluke o utvrđivanju standarda i kriterija za imenovanja na upražnjene pozicije u reguliranim tijelima Općine Konjic.

III

Zadužuje se Stručna Služba Općinskog vijeća da Nacrt Odluke o utvrđivanju standarda i kriterija za imenovanja na upražnjene pozicije u reguliranim tijelima Općine Konjic nakon usvajanja na sjednici Općinskog vijeća istu dostavi svim javnim preduzećima i ustanovama čiji je osnivač Općinsko vijeće.

IV

Zadužuju se imenovani iz tačke tri ovog Zaključka da u roku 10 dana dostave eventualne primjedbe na nacrt Odluke, sugestije i prijedloge Stručnoj službi Općinskog vijeća.

V

Ukoliko bude dostavljenih primjedbi, prijedloga i sugestija Komisija za statutarna pitanja i propise će iste razmatrati i nakon toga utvrditi Prijedlog Odluke o utvrđivanju stadarda i kriterija za imenovanja na upražnjene pozicije u reguliranim tijelima Općine Konjic i proslijediti predlagaču.

VI

Ovaj zaključak stupa na snagu danom objavljivanja u „Službenim glasniku Općine Konjic“ i ima se objaviti na Oglasnoj tabli Općine Konjic.

Predsjednik Općinskog Vijeća
Kenan Greda, s.r

ODLUKE
o utvrđivanju standarda i kriterija za imenovanja na upražnjene pozicije
u reguliranim organima Općine Konjic

I -OPĆE ODREDBE

Član 1.

Ovom Odlukom se utvrđuju standardi i kriteriji za postupak izbora kojim se vrši konačno imenovanje na pozicije u reguliranim organima, principi izbora, način oglašavanja, imenovanje komisije za izbor, razmatranje prijave kandidata, obavljanje intervjua, donošenje odluka o konačnom imenovanju, podnošenje prigovora na konačna imenovanja i druga pitanja regulisana odredbama ove odluke.

Član 2.

Općinsko vijeće Konjic je odgovorni javni službenik u smislu Zakona o ministarskim, vladinim i drugim imenovanjima FBiH, prema kojim Općina Konjic vrši ovlaštenja i obaveze vlasnika državnog kapitala, odnosno na sve regulirane organe u kojima Općina Konjic ima pravni interes kao osnivač ili u kojima, prema važećim zakonima, pravilima i propisima, ima zakonito pravo da vrši nominaciju i konačno imenovanje u taj regulirani organ.

Član 3.

Pozicije za koje se provodi procedura imenovanja, utvrđivanje prijedloga ili davanja prethodne saglasnosti po odredbama ove Odluke su:

- Utvrđivanje prijedloga kandidata za upravne i nadzorne odbore reguliranih organa i kojima konačna imenovanja vrše skupštine društava
- Imenovanje punomoćnika državnog kapitala za učešće u radu i odlučivanju u skupštinama javnih preduzeća,
- Konačna imenovanja predsjednika i članova upravnih i školskih odbora ustanova i javnih ustanova čiji je osnivač Općinsko vijeće Konjic, za koja imenovanja zakonskim propisima nije regulisano da ih vrši drugi organ,
- Izbor, imenovanje i davanje saglasnosti na izbor ili imenovanje na sve pozicije u okviru reguliranog organa iz nadležnosti Općinskog vijeća.

Na pitanja koja nisu regulisana ovom Odlukom, kao i na pitanja koja su posebnim zakonom drugačije regulisana, primjenjivat će se neposredno odgovarajući zakonski propisi.

II. PRINCIPI IZBORA

Član 4.

Imenovanja iz ove Odluke vrše se uz poštivanje sljedećih principa:

ZAKONITOST: Općinsko vijeće osigurava da se sva imenovanja iz svoje nadležnosti, vrše na zakonit način i u skladu sa ovom Odlukom, važećim zakonima, pravilima i propisima,

KVALITETA: Sva imenovanja se vrše na osnovu kvalitete, putem dobro informisanog izbora osoba koje po svojim sposobnostima, iskustvu i kvalitetima odgovaraju poziciji u reguliranom organu,

OTVORENOST I TRANSPARENTNOST: Princip javnosti upravljanja primjenjuje se na proces imenovanja. Funkcionisanje procesa imenovanja mora biti transparentno, osim ako informacija nije povjerljiva, prema odredbama Zakona o zaštiti ličnih podataka Bosne i Hercegovine (Službeni glasnik BiH broj: 49/06)

ZASTUPLJENOST PRI ZAPOŠLJAVANJU: Odgovorni javni službenik osigurava da se kod konačnih imenovanja na javnu poziciju u reguliranom organu po pravilu odražava sastav naroda i građana Bosne i Hercegovine.

Član 5.

Općinsko vijeće kao odgovorni javni službenik ima konačnu odgovornost da osigura da se sva imenovanja izvrše u skladu sa Zakonom i odredbama ove Odluke, kao i da osigura da se ni jedno konačno imenovanje u regulirane organe ne izvrši, ukoliko nisu primijenjene odredbe Zakona o ministarskim, vladinim i drugim imenovanjima FBiH i ove odluke.

Član 6.

Sva imenovanja vrše se na period od 4 (četiri) godine, uz mogućnost ponovnog izbora. Nominacije/imenovanja na kraći period su nominacije ili imenovanja na najviše 3 (tri) mjeseca a koja se ne mogu ponoviti. Naknada za predsjednika i članove utvrđuje se aktima reguliranih organa ili osnivača.

Član 7.

Općinsko vijeće može bez provođenja postupaka predviđenih ovom Odlukom i Zakonom usvojiti Odluku o davanju prethodne saglasnosti nadležnom organu privrednog društva sa većinskim učešćem državnog kapitala za razrješenje dužnosti člana uprave kao i Odluku o davanju prethodne saglasnosti nadležnom organu tog privrednog društva za imenovanje vršioca dužnosti člana uprave do okončanja konkursne procedure, a najduže na period do 12 (dvanaest) mjeseci, od dana stupanja na snagu Odluke nadležnog organa društva.

Općinsko vijeće može bez provođenja postupaka predviđenih ovom Odlukom, a u skladu sa odredbama zakona koji reguliše ovu oblast, može utvrdit prijedlog kandidata za imenovanje vršioca dužnosti člana nadzornog odbora ispred državnog kapitala, do okončanja konkursne procedure, a najduže na vremenski period do 3 (tri) mjeseca, počev od dana stupanja na snagu odluke skupštine o imenovanju članova nadzornog odbora.

Mandat novoimenovanom članu nadzornog odbora može trajati do isteka mandata članova nadzornog odbora koji su imenovani Odlukom Općinskog vijeća.

Stručna sprema, smjer, odnosno zanimanje u okviru stepena školske spreme utvrđuje se aktima reguliranih organa (Statutom, aktima i pravilima) prema prirodi poslova i registrovanoj djelatnosti.

III. STANDARDI I KRITERIJI

Član 8.

- 1.) Svi kandidati za imenovanje u regulirane organe dužni su ispunjavati sljedeće opće uslove:
 - a) da su državljani Bosne i Hercegovine,
 - b) da su stariji od 18 godina,
 - c) da nije otpušten iz državne službe kao rezultat disciplinske mjere bilo na kojem nivou BiH, u periodu od tri godine prije objavljivanja upražnjene pozicije,
 - d) da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava BiH),
 - e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH,
 - f) da nema privatni/finansijski interes u Javnom preduzeću ili Javnoj ustanovi u kojoj se kandiduje,
 - g) da nije član organa zakonodavne, izvrše ili sudske vlasti ili savjetnik u smislu odredbi Zakona o sukobu interesa u tijelima vlasti FBiH, ako se radi o konačnom imenovanju u organe javnih preduzeća,
 - h) da nije osuđivan za krivično djelo,
 - i) da se ne vodi krivični postupak.
- 2.) Dokaz iz stava 1.) tačka h. i tačka i. ovog člana, izabrani kandidati će dostaviti nakon konačnog imenovanja.

Član 9.

- 1) Pored općih uslova utvrđenih članom 8. ove Odluke, kandidati za imenovanje u upravne i školske odbore ustanova i javnih ustanova reguliranih organa čiji je osnivač Općinsko vijeće trebaju ispunjavati i posebne uslove:
 - a) Da imaju višu ili visoku stručnu spremlu prvog, drugog ili trećeg ciklusa Bolonjskog sistema studiranja sa (najmanje 180 ECTS bodova),
 - b) Najmanje 3 (tri) godine radnog iskustva nakon sticanja više ili visoke stručne spremlu,
 - c) da nije predsjednik ili član nijednog drugog nadzornog, upravnog ili školskog odbora,
 - d) da posjeduje stručno znanje iz oblasti rada i organizacije privrednih društava, kao i sposobnost tumačenja propisa iz oblasti za koju je reguliran organ osnovan,
 - e) komunikacijske i organizacijske sposobnosti,
 - f) sposobnost tumačenja propisa iz oblasti za koju je regulirani organ osnovan,
 - g) sposobnost upravljanja finansijskim i ljudskim resursima.
- 2.) Prilikom primjene posebnih uslova, kriteriji navedeni pod tačkama d) do g) stava 1) ovog člana izrazit će se bodovima od 1-5.

Član 10.

- 1) Pored općih uslova utvrđenih članom 8. ove Odluke, kandidati za imenovanje predsjednika i članove nadzornih odbora te uprave javnih preduzeća i privrednih društava trebaju ispunjavati i posebne uslove:

- a) Da imaju visoku stručnu spremu, odnosno visokog obrazovanja prvog, drugog ili trećeg ciklusa Bolonjskog sistema studiranja sa najmanje 240 ECTS bodova,
 - b) 3 (tri) godine radnog iskustva nakon sticanja visoke stručne spreme za predsjednika i članove nadzornih odbora i 5 (pet) godina radnog iskustva za članove uprave nakon sticanja visoke stručne spreme,
 - c) Da nije predsjednik ili član nijednog drugog nadzornog, upravnog ili školskog odbora,
 - d) Da ima certifikat o završenom usavršavanju u skladu sa Uredbom o usavršavanju predsjednika i članova nadzornih odbora i uprava privrednih društava s učešćem državnog kapitala, odnosno ovjerenu izjavu kandidata da prihvata obavezu da usavršavanje obavi u u skladu sa Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala, u roku od godinu dana od dana imenovanja,
 - e) da posjeduje stručno znanje iz oblasti rada i organizacije privrednih društava, kao i sposobnost tumačenja propisa iz oblasti za koju je reguliran organ osnovan,
 - f) komunikacijske i organizacijske sposobnosti,
 - g) sposobnost tumačenja propisa iz oblasti za koju je regulirani organ osnovan,
 - h) sposobnost upravljanja finansijskim i ljudskim resursima.
- 2) Prilikom primjene posebnih uslova, kriteriji navedeni pod tačkama e) do h) stava 1. ovog člana izrazit će se u bodovima od 1-5.

IV - OGLAŠAVANJE UPRAŽNJENIH POZICIJA

Član 11.

Javni oglas za upražnjene pozicije u regulirane organe u skladu sa standardima i kriterijima utvrđenih ovom Odlukom objavljuje se u "Službenim novinama Federacije BiH", u jednom dnevnom listu i oglasnoj tabli Općine Konjic s ciljem da bude dostupan najširoj javnosti.

Javni oglas za upražnjene pozicije treba sadržavati:

- Opis upražnjene pozicije, uključujući i pojedinosti o ulozi potencijalnog kandidata,
- Opće uslove utvrđene članom 8. i posebne uslove iz članova 9. i 10. ove Odluke,
- Popis potrebnih dokumenata, rok i mjesto za podnošenje prijave (traženi dokumenti koji se prilažu moraju biti u originalu ili ovjerene kopije). Za pozicije uprave privrednih društava uz prijavu je potrebno dostaviti Program i plan rada.

Javni oglas o upražnjenoj poziciji treba biti dovoljno detaljan da bi kandidatima dao potpunu informaciju o ulozi koju treba vršiti u reguliranom organu, uslovima službe i dužini trajanja mandata.

U reguliranim organima gdje pored predstavnika Osnivača ima i predstavnik organa čiji je regulirani organ, taj organ može dati saglasnost Komisiji osnivača da u njegovo ime provede proceduru-postupak do konačnog imenovanja.

Ako regulirani organ ima predstavnike viših nivoa vlasti onda postupak predlaganja provodi organ tog nivoa vlasti.

Član 12.

Krajnji rok za podnošenje prijave je 15 dana od dana posljednjeg objavljivanja javnog oglasa.

Podnosioci prijave s kojima se ne stupi u kontakt u roku od 8 dana od isteka roka za podnošenje prijave neće biti uzeti u razmatranje u daljnjem procesu imenovanja.

V- KOMISIJA ZA IZBOR U REGULIRANE ORGANE

Član 13.

Provedbu postupka imenovanja na upražnjene pozicije u regulirane organe provodi komisija za izbor u regulirane organe (u daljem tekstu: Komisija)

Komisija u skladu sa ovom odlukom rang listu za konačno imenovanje dostavlja odgovornom javnom službeniku iz člana 2. ove Odluke.

Komisiju imenuje Općinsko vijeće, na prijedlog Općinskog načelnika iz reda državnih službenika zaposlenih u Općini Konjic.

Komisija se sastoji od 5 (pet) članova.

Članovi komisije moraju imati visoku stručnu spremu, odnosno visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova i tri godine radnog iskustva po završetku visokostručnog obrazovanja.

Komisija u okviru svojih nadležnosti:

- utvrđuje prijedlog Odluke o raspisivanju oglasa te tekst javnog oglasa za upražnjene pozicije u reguliranim organima dostavlja ga Općinskom vijeću na usvajanje,
- vrši pregled prijava kandidata i utvrđuje njihovu formalno-pravnu ispravnost,
- sastavlja listu pitanja za intervju,
- provodi intervju s prijavljenim kandidatima, poštivajući Načela iz člana 4. ove Odluke
- sastavlja listu sa užim izborom najboljih kandidata koji ispunjavaju kriterije za imenovanje,
- predlaže odgovornom javnom službeniku rang listu putem pisane preporuke na dalje razmatranje.

Članovi Komisije imaju pravo na naknadu u skladu sa Odlukom Općinskog vijeća Konjic o imenovanju Komisije.

Član 14.

Kod utvrđivanja rang liste kandidata koji ispunjavaju opće i posebne uslove utvrđene u članu 9. i 10 ove Odluke, Komisija će utvrditi broj bodova za svakog kandidata po slijedećim dodatnim kriterijima:

1. Stepem stručne spreme:
 - stepen više stručne spreme, 5 bodova,
 - stepen visoke stručne spreme (180 ECTS bodova) - 7 bodova,
 - stepen visoke stručne spreme (240 ECTS bodova) – 9 bodova.
2. Radno iskustvo:
 - 3-10 godina radnog iskustva – 5 bodova,
 - 10-20 godina radnog iskustva – 7 bodova,
 - 20 i više godina radnog iskustva – 9 bodova.
3. Po osnovu obavljenog intervjuja:
 - Kandidati po osnovu intervjuja, boduju se od 1 do 5. Ukupan broj bodova koji pojedini kandidat dobije nakon obavljenog intervjuja će se izračunati tako da se bodovi koje daju pojedini članovi Komisije zbroje i podijele sa brojem članova Komisije za izbor.

Član 15.

U toku intervjuja, Komisija za izbor će predložiti slijedeće:

- da su svi kandidati u potpunosti upoznati sa standardom osobnog integriteta koji se traže za osobe imenovane na javnu poziciju,
- da su pitanja o sukobu interesa detaljno objašnjena i razmotrena sa svim kandidatima

- da su svi kandidati u potpunosti informirani o pravu javnosti i transparentnosti cjelokupnog procesa imenovanja, te da mogu uložiti prigovor protiv konačnog imenovanja.
- Sve odluke komisije koje prizilaze s intervjua moraju se u potpunosti dokumentovati.

VI – KONAČNA IMENOVANJA I OBJAVA

Član 16.

Nakon provedenog intervjua s prijavljenim kandidatima i na osnovi, u potpunosti dokumentovanih odluka svakog člana Komisije, Komisija utvrđuje rang listu, s najboljim kandidatima i listu dostavlja odgovornom javnom službeniku

Prijedlog rang liste mora biti dovoljno obrazložen.

Smatra se da je kandidat koji je prvi na rang-listi i kojeg je predložila većina od ukupnog broja članova komisije, najuspješnije prošao otvorenu konkurenciju.

Kod donošenja Odluke o konačnom imenovanju, odgovorni javni službenik iz člana 2. ove Odluke pored načela iz člana 4. ove odluke, vodit će brigu o zabrani diskriminacije po bilo kojem osnovu.

Član 17.

Sva konačna imenovanja se objavljuju u "Službenom glasniku Općine Konjic" i oglasnoj tabli Općine Konjic.

VII- PRIGOVORI NA KONAČNA IMENOVANJA

Član 18.

U slučaju kada postoje dokazi da principi utvrđeni ovom odlukom i zakonom, ili postupci nisu ispoštovani, zainteresirana stranka može podnijeti prigovor na konačno imenovanje.

Prigovor se podnosi odgovornom javnom službeniku, a kopija dostavlja i Ombudsmenu za ljudska prava BiH.

Ombudsmen može poduzeti sve mjere neophodno da se prigovor ispita.

Odgovorni javni službenik je obavezan Uredu ombudsmena dostaviti pisani odgovor na prigovor u roku od 14 dana od dana kada je prigovor podnesen.

VIII- PRIJELAZNE I ZAVRŠNE ODREDBE

Član 19.

Sva javna preduzeća, privredna društva, javne ustanove, ustanove i drugi regulirani organi u kojima Općina Konjic vrši ovlaštenja i obaveze vlasnika državnog kapitala, odnosno u kojima ima pravni interes kao osnivač, dužni su u roku od 90 dana od dana stupanja na snagu ove odluke uskladiti svoje akte s odredbama ove odluke.

Član 20.

Stupanjem na snagu ove odluke prestaje važiti Odluka o utvrđivanju standarda i kriterija za imenovanja na upražnjenje pozicije u reguliranim tijelima Općine Konjic broj: 03-05-12-988/18 od 22.03.2018 godine.

Član 21.

Ova odluka stupa na snagu danom objavljivanja u "Službenom glasniku Općine Konjic" i ima se objaviti na Oglasnoj tabli Općine Konjic.

PREDSJEDNIK OPĆINSKOG VIJEĆA
Kenan Greda

O b r a z l o Ź e n j e

Pravni osnov za donošenje Odluke sadržan je u Zakonu o ministarskim, vladinim i drugim imenovanjima Federacije BiH (Službene novine FBiH broj: 12/03, 34/03 i 65/13).

Služba za privredu, finansije i društvene djelatnosti Općine Konjic pristupila je Izradi nove Odluke o utvrđivanju standarda i kriterija za imenovanja na upražnjene pozicije u reguliranim organima Općine Konjic na osnovu Zaključka Statutarne komisije Općine Konjic da Odluka Općinskog vijeća Konjic o utvrđivanju standarda i kriterija za imenovanja na upražnjene pozicije u reguliranim tijelima Općine Konjic broj: 03-05-12-988/18 od 22.03.2018 godine, nije u potpunosti usklađena sa Zakonom o ministarskim, vladinim i drugim imenovanjima FBiH, te se Nacrt Odluke daje na razmatranje i usvajanje Općinskom vijeću Konjic.

OBRADIVAČ

Služba za privredu, finansije i društvene djelatnosti
POMOĆNIK NAČELNIKA

Adnan Špago

PREDLAGAČ

Načelnik Općine Konjic

Osman Ćatić

1988

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
OPĆINA KONJIC
OPĆINSKO VIJEĆE

Broj: 03-22-1-3875/21
Konjic, 31.01.2022.godine

Na osnovu člana 8. alineja 3. i 10. Zakona po principima lokalne samouprave u Federacije BiH ("Službene novine Federacije BiH", broj: 49/06 i 51/09), člana 16. Statuta Općine Konjic ("Službeni glasnik Općine Konjic", broj: 4/11, 6/11 i 3/20) i člana 102. i 112. Poslovnika o radu Općinskog vijeća ("Službeni glasnik Općine Konjic", broj: 01/05 i 05/10), Općinsko vijeće na sjednici održanoj dana 31.01.2022. godine, usvojilo je sljedeći:

ZAKLJUČAK

1. U cilju kontinuiteta gazdovanja šumama na području ŠPP "Konjičko" i područje "Krša", a zbog neusvajanja Zakona o šumama u FBiH, daje se saglasnost na:
- Plan gazdovanja Šumarstva "Prenj" d.d Konjic za 2022. godinu, broj: P-3100/21 od 04.11.2021. godine i Plan gazdovanja- područje "Krša" broj: P-3101/21 od 04.11.2021. godine, koji je usvojio Nadzorni odbor Šumarstva "Prenj" d.d Konjic Odlukom broj: P-61/21 od 19.11.2021. godine i P-62/21 od 19.11.2021. godine.
2. Sastavni dio ovog zaključka su planski dokumenti iz tačke 1. po kojima se određuju osnovne smjernice za optimalno upravljanje i gazdovanje šumama na području općine Konjic (planovni gazdovanja).
3. Za realizaciju ovog zaključka odgovorno je preduzeće Šumarstvo "Prenj" d.d. Konjic.
4. Ovaj zaključak će se primjenjivati za 2022. godinu, odnosno dok se zakonom ne reguliše pitanje gazdovanja šumama i kršom.
5. Zadužuje se Nadzorni odbor preduzeća da podnese šestomjesečni izvještaj Općinskom vijeću o gazdovanju šuma i krša na području općine Konjic.
6. Zaključak stupa na snagu danom objavljivanja u "Službenom glasniku Općine Konjic" i ima se objaviti na Oglasnoj tabli Općine Konjic.

Predsjednik Općinskog Vijeća
Kenan Greda, s.r

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
OPĆINA KONJIC
OPĆINSKO VIJEĆE

Broj: 03-20-1-3920/21
Konjic, 31.01.2022. godine

Na osnovu člana 7. stava 4. Zakona o vodama („Službene novine HNK“ broj 6/13) i člana 16. Statuta Općine Konjic (Službeni glasnik Općine Konjic broj 4/11, 6/11 i 3/20), postupajući po zahtjevu Nuhić (Sabit Bajramović) Mejre, Idbar br. 109, Čelebići, Nuhić (Mujo) Sulejmana, Općine bb Mostar, Nuhić (Mujo) Sead, Idbar br. 109, Čelebići, Nuhić (Mujo) Ahmo, Idbar br. 109, Čelebići, Nuhić (Mujo) Adem, Trg Solidarnosti 17/1, Sarajevo i Ćosić (Nuhić Mujo) Sabina, Idbar br. 109, Čelebići, Općinsko vijeće Konjic na sjednici održanoj dana 31.01.2022. godine, d o n i j e l o j e

ZAKLJUČAK

1. **ODBIJA SE PONUDA** Nuhić (Sabit Bajramović) Mejre, Idbar br. 109, Čelebići, Nuhić (Mujo) Sulejmana, Općine bb Mostar, Nuhić (Mujo) Sead, Idbar br. 109, Čelebići, Nuhić (Mujo) Ahmo, Idbar br. 109, Čelebići, Nuhić (Mujo) Adem, Trg Solidarnosti 17/1, Sarajevo i Ćosić (Nuhić Mujo) Sabina, Idbar br. 109, Čelebići za kupovinu zemljišta koju su podnijeli Općinskom vijeću Konjic, podneskom broj: 08-20-1-3920/21 od 23.12.2021. godine i kojom Općini Konjic nude neizgrađeno zemljište označeno kao:

- k.č. broj 4391, zvana Donja Poplpača, livada 3. klase, površine 505 m²;
Upisano u zemljišno – knjižni uložak broj 512, K.O. Čelebići, uz ponuđenu cijenu u ukupnom iznosu za 6,00 KM/m² (slovima: šest konvertibilnih maraka po metru kvadratnom).

2. Ponuda imenovanih se odbija iz razloga što trenutno ne postoji interes Općine za kupovinu navedenog zemljišta.

Obrazloženje

Podneskom broj: 08-20-1-3920/21 od 23.12.2021. godine, Nuhić (Sabit Bajramović) Mejra, Idbar br. 109, Čelebići, Nuhić (Mujo) Sulejmana, Općine bb Mostar, Nuhić (Mujo) Sead, Idbar br. 109, Čelebići, Nuhić (Mujo) Ahmo, Idbar br. 109, Čelebići, Nuhić (Mujo) Adem, Trg Solidarnosti 17/1, Sarajevo i Ćosić (Nuhić Mujo) Sabina, Idbar br. 109, Čelebići, obratili su se Općini Konjic, kojim nude da Općina Konjic na osnovu prava preče kupnje otkupi zemljište označeno kao k.č. broj 4391, K.O. Čelebići, ZK broj 512, po cijeni 6,00 KM/m² (slovima: šest konvertibilnih maraka po metru kvadratnom).

Na osnovu kopije katastarskog plana i zemljišnoknjižnog izvotka utvrđeno je da je u „C“ teretnom listu zemljišnoknjižnog izvotka broj 512, K.O. Čelebići, a na osnovu člana 2. stav 4. Zakona o zemljišnim knjigama FBiH i Rješenja Ministarstva poljoprivrede, šumarstva i vodoprivrede HNK broj: UP-I-11-05-27-90/19 od 09.04.2019. godine, koje je 16.05.2019. godine postalo pravosnažno, kojim se određuje granica vodnog dobra za površinske vode II kategorije na području općine Konjic i to za vodotok Baščica, upisana zabilježba statusa vodnog dobra, kao i zabrane iz člana 96. stav 1. tačka 3, 13,

14, 15, 16, 17 i 18 i stav 2. tačka, 1. i 2. Zakona o vodama sa zabilježbom da u slučaju prodaje zemljišne čestice koja se nalazi unutar granice vodnog dobra, a koja je u vlasništvu pravnog ili fizičkog lica, pravo preče kupnje ima Općina Konjic, a sve na parceli broj 4391.

Naime, članom 7. stavom 4. Zakona o vodama („Službene novine HNK“ broj 6/13), propisano je da u slučaju prodaje zemljišne čestice u vlasništvu pravne ili fizičke osobe koja pripada vodnom dobru za površinske vode II kategorije pravo preče kupnje ima grad/općina.

Uzimajući u obzir činjenicu da za otkup navedenog zemljišta, za sada ne postoji interes Općine Konjic, odlučeno je kao u dispozitivu ovog zaključka.

POUKA O PRAVNOM LIJEKU: Protiv ovog zaključka nije dozvoljena žalba, ali se može pokrenuti upravni spor pred nadležnim Kantonalnim sudom u Mostaru, u roku od 30 dana od dana prijema ovog Zaključka.

Predsjednik Općinskog Vijeća
Kenan Greda, s.r

IZDAJE OPĆINA KONJIC

OPĆINSKO VIJEĆE

Tel: +387 36 712 232

SLUŽBENI GLASNIK IZLAZI PO POTREBI